

D'Zwillingskameel

Text und Musik : Luca Maurizio - Tempo: 96

Strophe: cm / G7/ fm G7 / cm

Miar sind dia zwai schönschta Kameel
vur ganza Wüaschti vu Rukistan.
Miar sind da Stärna gfolgt ganz fideel
bis zur Oasa Aliban.

Miar hend in dr Wüaschti ds Wasser gsuacht,
aber as isch alles trocha, as isch wia verfluacht.
Miar hend üs nu wella a biz schöner macha,
aber wia ooni Spiegel funara Wasserlacha?

Refrain: fm G7 / As G7

**Wo isch dr Bach? Vertröchnet!
Wo isch dr See? Verschwunda!
Und d'Oasa, wo isch sii? Verdunschtet!
Wär hät ds Wasser gnoo vu dära Wüaschti? 3x**

*Isch as villicht ds Nilpferd gsii?
Oder dr Elefant vu Oagadougou?
Oder ds Dromedar vu Timbuktu?
Wär waiss as? Waisch as villicht du?*

Strophe: cm / G7/ fm G7 / cm

Dr Storch sait, as seg dr lusbär khoo
und heg ds ganza Wasser zum Nordpol gnoo,
zums allai für sich khönna uufbewaara
in sina zeentuusig lusbärga.

Ooni Wasser simmiar nümma frisch und läcker
und as schrumpfand täglich üsari Höcker.
Ooni Wasser will üs niamert meh haa, oh nai,
und miar brüaland in da Nächt ganz allai.

Refrain: fm G7 / As G7

**Häts no Wasser in Amerika?
Häts no Wasser denn bi eu?
Oder isch as alles schu am Nordpol?
Und wia holand miars wider zruck? 3x**